

ԱՐՁԱՆԱԳՐՈՒԹՅՈՒՆ N 15

ՀՀ ԱՐՄԱՎԻՐԻ ՄԱՐԶՊԵՏ ԱՐԳԻՇՏԻ ՄԵԽԱԿՅԱՆԻ ԳԼԽԱՎՈՐԱԾ 2025 ԹՎԱԿԱՆԻ
ՄԱՅԻՍԻ 5-ԻՆ, ԺԱՄԸ 11:00-ԻՆ ԿԱՅԱՑԱԾ ԳՈՐԾԱԿԱՐԳԱՎԱՐԱԿԱՆ
ԽՈՐՀՐԴԱԿՑՈՒԹՅԱՆ

Մասնակցությամբ՝

- | | |
|--|--------------------|
| • Արմավիրի մարզպետի տեղակալ՝ | Բարսեղ Նիկողոսյանի |
| • Արմավիրի մարզպետի աշխատակազմի գլխավոր քարտուղար՝ | Արամ Հովհաննիսյան |
| • Արմավիրի մարզպետի խորհրդական՝ | Երվանդ Խաչատրյանի |
| • Արմավիրի մարզպետի օգնական՝ | Մանվել Մելիքյանի |
| • Արմավիրի մարզպետի օգնական՝ | Նարեկ Խաչատրյանի |
| • Արմավիրի մարզպետի աշխատակազմի կառուցվածքային ստորաբաժանումների ղեկավարների | |
| • Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության փաստաթղթաշրջանառության բաժնի պետ՝ | Աննա Միքայելյանի |
| • Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության ավագ մասնագետ՝ | Անուշ Պողոսյանի |

Քննարկվեց՝

28.04.2025թ. կայացած գործակարգավարական խորհրդակցության ընթացքում ՀՀ Արմավիրի մարզպետի կողմից տրված հանձնարարականների կատարման ընթացքը և մարզում առկա այլ հրատապ խնդիրներ:

1. ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման ուղղությամբ տարված աշխատանքների և արդյունքների վերաբերյալ, ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ Դավիթ Ավետիսյանը զեկուցեց՝

ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման գործընթացի վերաբերյալ հայտնում եմ, որ ՀՀ պետական գույքի կառավարման կոմիտեին չհանձնված թվով 7 դպրոցների հանձնման կապակցությամբ կատարվում է ամենօրյա աշխատանք /փաստաթղթերի ուսումնասիրություն, այցելություն դպրոց, քննարկումներ ՀՀ պետական գույքի կառավարման կոմիտեի աշխատակիցների հետ/ և արդյունքների մասին կազմվել է տեղեկանք, որը ներկայացվում է աղյուսակի տեսքով:

	Անշարժ գույքի անվանումը	Անշարժ գույքի հասցեն	Պետական գույքի կառավարման կոմիտեին չհանձնելու պատճառները	Անշարժ գույքի հետ կապված խնդիրների լուծման վերաբերյալ տարվող աշխատանքները
1	«Արմավիրի Մովսես Սիլիկյանի անվան N6 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Շահումյան 20	Դպրոցի տարածքում առկա է շինություն, որը ներկա պահին չի տնօրինվում դպրոցի կողմից	Քննարկվել է Պետական գույքի կառավարման կոմիտեում, խնդրի կարգավորման ուղղությամբ սեղմ ժամկետում կառաջարկվի լուծման տարբերակ:
2	«Արմավիրի N 8 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Աբովյան 182	Դպրոցի անշարժ գույքի նկատմամբ իրավունքների պետական գրանցման վկայականնում առկա են հողամասի և շինությունների վերաբերյալ անհամապատասխանություններ	Փաստաթղթերը գրությամբ ներկայացվել են Պետական գույքի կառավարման կոմիտե:

3	«Հացիկի Ավետիս Բաղդասարյանի անվան միջնակարգ դպրոց» ՊՈԱԿ	ՀՀ Արմավիրի մարզ, Արմավիր համայնք, գ. Հացիկ 1-ին փ., 262.	Դպրոցի տարածքում առկա են շինություններ, որը ներկա պահին չի տնօրինվում դպրոցի կողմից	Քննարկվել է Պետական գույքի կառավարման կոմիտեում, խնդրի կարգավորման ուղղությամբ առաջարկվել է տարբերակ, որը գտնվում է ուսումնասիրության փուլում:
4	«Լեռնամերձի հիմնական դպրոց» ՊՈԱԿ	ՀՀ Արմավիրի մարզ, Խոյ խոշորացված համայնք գ. Լեռնամերձ Արագածի 26	Տարածքում առկա է ինքնակամ շինություն	Գործընթացը գտնվում է չափագրման փուլում, այնուհետև կկատարվի օրինականացում և վկայականի ուղղում
5	«Վարդանաշենի Մ.Մինասյանի անվան միջնակարգ դպրոց» ՊՈԱԿ	ՀՀ Արմավիրի մարզ գ. Վարդանաշեն 1-ին փողոց, 24 շենք	Կատարվել է նոր չափագրություն, որից հետո իրականացվելու է սեփականության իրավունքի գրանցման գործընթաց	Գործընթացը գտնվում է չափագրման փուլում, այնուհետև կկատարվի դպրոցի վկայականի ուղղում:
6	Արգինայի միջնակարգ դպրոց	Գ. Արգինա, Աբովյան 40	Բացակայում է անշարժ գույքի նկատմամբ իրավունքների պետական գրանցման վկայականը:	Պետական գույքի կառավարման կոմիտե ուղարկվել է մարզպետի համապատասխան գրություն կառավարության որոշման նախագիծ շրջանառելու համար:
7	Գեղակերտի միջնակարգ դպրոց	ՀՀ Արմավիրի մարզ Խոյ համայնք Գեղակերտ բնակավայր Մ.Մաշտոցի 22	Հարակից շինությունների սեփականատերերի կողմից որոշակի տարածքի զավթում, ինքնակամ շինությունների կառուցում	Միջոցներ են ձեռնարկվում ինքնակամ շինությունների քանդման և հետևանքների վերացման կապակցությամբ:

2. Արմավիրի մարզի, Արմավիր համայնքի Լենուդի բնակավայրի 4-րդ փողոցի 1 և 3 բազմաբնակարան վթարային շենքերի բնակարաններում փաստացի բնակվող բնակիչներին բնակարանային պայմանների բարելավման նպատակով ֆինանսական աջակցություն տրամադրելու վերաբերյալ ՀՀ Արմավիրի մարզպետի աշխատակազմի գլխավոր քարտուղար Արամ Հովհաննիսյանը զեկուցեց՝

Համաձայն ՀՀ կառավարության 20.03.2025թ. N340-Ն որոշմամբ սահմանված ընթացակարգի՝ Արմավիրի մարզպետի աշխատակազմը, ֆինանսական աջակցություն ստանալու մասին շահառուների դիմումները ստանալուց հետո, սահմանված ժամկետում նրանց ծանուցել է՝ առաջարկելով մարզպետի հետ կնքել պայմանագիր՝ վկայագրի միջոցով բնակարան ձեռք բերելու կամ անհատական բնակելի տուն կառուցելու համար: Իրականացվում են նախապատրաստական աշխատանքներ՝ համապատասխան պայմանագրերը շահառուների հետ կնքելու համար:

3. Մայիսի 3-ին կայացած համապետական շաբաթօրյակի աշխատանքների արդյունքների վերաբերյալ ՀՀ Արմավիրի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ Գոռ Հովհաննիսյանը զեկուցեց՝

Մայիսի 3-ին նշանակված համապետական շաբաթօրյակի աշխատանքները մեկնարկել են ժամը 9:00, արդյունքները գոհացնող են եղել, համայնքներում և բնակավայրերում պլանավորված բոլոր աշխատանքները շաբաթօրյակի տրամաբանության և բովանդակության մեջ էին:

Շաբաթօրյակին մասնակցել են բոլոր համայնքները՝ իրենց ենթակա կազմակերպությունների հետ/ դպրոցներ, քոլեջներ, բժշկական հաստատություններ/, հանրապետական գործադիր մարմինների տարածքային ծառայությունների աշխատակիցները, մարզում տեղակայված զինվորական մասերի ծառայողները:

Ընդհանուր առմամբ մարզում շաբաթօրյակի աշխատանքներին մասնակցել են շուրջ 27144 մարդ և 93 տեխնիկա:

Մեծամոր համայնքի կողմից կազմակերպվել էր մաքրման աշխատանքներ Արգիշտիխինիլի քաղաքատեղի դամբարանադաշտում: Մաքրվել է ավելի քան 5000 քմ տարածք, հավաքվել՝ ավելի քան 15 բեռնատար մեքենա աղբ:

Մարզպետի աշխատակազմը շաբաթօրյակի աշխատանքները իրականացրել է 1988 թվականին զոհված հարավսլավացի օդաչուների հիշատակին կանգնեցված հուշարձանի տարածքում, ինչպես նաև «Զվարթնոց» արգելոց-թանգարանի, «Սարդարապատի հուշահամալիրի» և «Մեծամոր» ագելոց-թանգարանի տարածքներում:

4. Սուբվենցիոն ծրագրերի ընթացքի վերաբերյալ ՀՀ Արմավիրի մարզպետի աշխատակազմի զարգացման ծրագրերի մշակման և իրականացման բաժնի պետ Լիլիթ Մուշեղյանը զեկուցեց՝

2025թ. ընթացքում ՀՀ կառավարության 3 որոշումներով ՀՀ Արմավիրի մարզպետի աշխատակազմին հատկացվել է 470,965.0 հազար դրամ՝ մարզի 4 համայնքի 10 բնակավայրում իրականացված սուբվենցիայի 9 ծրագրի/10 ենթածրագրի կառավարության մասնաբաժնի համաֆինանսավորման նպատակով:

Արմավիրի, Մեծամորի, Արաքսի համայնքապետարանների կողմից ՀՀ Արմավիրի մարզպետի աշխատակազմ ներկայացված օրենսդրությամբ նախատեսված ծախսը հիմնավորող փաստաթղթերի հիման վրա 2025թ. մայիսի 5-ի դրությամբ կատարվել է պետության մասնաբաժնի ֆինանսավորում՝ 126,845,185 ՀՀ դրամ, /2 որոշումների մասով/:

Արմավիրի /2 ծրագիր/, Վաղարշապատի /1 ծրագիր/ և Արաքսի /3 ծրագիր/ համայնքապետարանների կողմից ՀՀ Արմավիրի մարզպետի աշխատակազմ ներկայացված օրենսդրությամբ նախատեսված ծախսը հիմնավորող փաստաթղթերի ֆինանսական վարչության պետի հետ համատեղ ուսումնասիրությունից, ինչպես նաև ծրագրային հաշվի բացումից հետո ՀՀ կառավարության 30.04.2025թ. N 522-Ն որոշմամբ հատկացված 344,119,800 դրամից առաջիկայում կկատարվեն համապատասխան վճարումներ:

2025թ. մայիսի 5-ի դրությամբ ՀՀ տարածքային կառավարման և ենթակառուցվածքների նախարարություն է ներկայացվել 8 ծրագրի/12 ենթածրագրի համար վճարման փաթեթ՝ կառավարության մասնաբաժնի հատկացման համար՝ շուրջ 107.7 մլն դրամ ընդհանուր գումարով, գումարները կհատկացվեն կառավարության առաջիկա նիստերի ընթացքում, աշխատանքները շարունակվում են:

2025թ. սուբվենցիայի ծրագրեր

ՀՀ տարածքային կառավարման և ենթակառուցվածքների նախարարություն է ներկայացվել 2025թ. սուբվենցիոն ծրագրերի 16 ամբողջական փաթեթ, 87 ենթածրագրերով՝ 7.5 մլրդ դրամ ընդհանուր արժեքով: Լրացուցիչ ներկայացվել են Արաքս համայնքից 7 ամբողջական փաթեթ, 32 ենթածրագրերով՝ 1.95 մլրդ դրամ ընդհանուր արժեքով: Ընդհանուր առմամբ՝ 23 ծրագիր/119 ենթածրագիր 9.44 մլրդ դրամ արժեքով, որից 4.84 մլրդ դրամը կառավարության մասնաբաժինն է:

2025թ. սուբվենցիոն ծրագրերի վերաբերյալ ոլորտային գերատեսչությունների կարծիքները և դիտողությունները մարզպետի համապատասխան շրջաբերական գրություններով ուղարկվել են համայնքների ղեկավարներին և առաջարկվել հնարավորինս սեղմ ժամկետում ներկայացնել լրամշակված փաստաթղթերը: Կատարված աշխատանքի արդյունքում ՀՀ ՏԿԵՆ են ներկայացվել 21 ծրագրի լրամշակված փաստաթղթեր, աշխատանքները շարունակվում են:

ՀՀ վարչապետի 2019 թվականի մարտի 19-ի թիվ 278-Ա որոշմամբ հաստատված ՀՀ պետական տարեկան բյուջեներով նախատեսված սուբվենցիաներից բացի ՀՀ համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի հայտերի գնահատման միջգերատեսչական հանձնաժողովի 12.03.2025թ. կայացած նիստի ընթացքում պայմանով հավանության է արժանացել Արմավիր համայնքի 2 ծրագիր և հետաձգվել է 1 ծրագրի հարցի քննարկումը՝ Մեծամոր համայնքի շենքերի տանիքների վերանորոգման ծրագրի:

2026թ. սուբվենցիայի հայտեր

Սկսվել են 2026 թվականի համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի ծրագրերի նախնական հայտերի և տեխնիկական բնութագրերի համայնքապետարաններից հավաքագրման աշխատանքները՝ համաձայն ՀՀ կառավարության 16.11.2006թ. 1708-Ն որոշման: 2025թ. մայիսի 5-ի դրությամբ հայտեր է ներկայացրել Արաքս համայնքը, աշխատանքները կշարունակվեն մինչև մայիսի 10-ը,

սակայն հնարավոր է ՀՀ տարածքային կառավարման և ենթակառուցվածքների նախարարությունից ստացվի հանձնարարական՝ ժամկետի երկարաձգման վերաբերյալ:

Քննարկման ավարտին Արթուր Այվազյանը զեկուցեց, որ մայիսի 3-ի և 4-ի գիշերը մարզում գրանցվել են կարկտահարության դեպքեր Վաղարշապատ համայնքում, Խոյ համայնքի Մրգաստան և Շահումյան բնակավայրերում, Մեծամոր համայնքի Տանձուտ, Փշատավան և Արագափ բնակավայրերում, սակայն էական վնաս չի գրանցվել:

Ամփոփելով քննարկումը, Հայաստանի Հանրապետության Արմավիրի մարզպետ Արգիշտի Մեխակյանը խորհրդակցությունը հայտարարեց ավարտված:



2025-06-13 16:05:27 GMT+4
Հավաստված է ԷԿԵՆԳ-ի կողմից



ՀՀ ԱՐՄԱՎԻՐԻ ՄԱՐԶՊԵՏ՝

ԱՐԳԻՇՏԻ

ՄԵԽԱԿՅԱՆ

Արձանագրող՝ ՀՀ Արմավիրի մարզպետի
աշխատակազմի անձնակազմի կառավարման,
փաստաթղթաշրջանառության և հասարակայնության
հետ կապերի վարչության փաստաթղթաշրջանառության
բաժնի պետ՝ Աննա Միքայելյան